

《中國地方藝文薈萃》編委會 編

中國地方藝文薈萃

學苑出版社

西南卷·第二輯 柒

西南卷·第二輯

柒

中國地方藝文薈萃

《中國地方藝文薈萃》編委會

編

德州师范学院内部使用

第七册目錄

播雅二十四卷（一）

.....

—

播雅二十四卷（一）

贵州师范学院内部使用

播雅二十四卷（一）

（清）鄭珍編

據清宣統三年（一九一）貴陽文通書局鉛印本影印

序

壬子秋余養疴省寓待歸草堂同縣鄭君子尹過視出
所編次播雅云將付刻屬審勘且爲序序未暇也越今
年夏余奉

命安撫湖北子尹來送余也其書已刻印就四月望與
別挾其本行舟中無事重取閱過迺爲識之子尹之學
精核淹瞻於鄉國文獻尤所究心嘗慨然謂播之稱詩
者前此概未有采輯於是孜孜蒐討廣諮碎掇鉤沉發
幽凡十有餘年再易稿詮次乃定都爲二十四卷梓行
之而播之詩始蔚然可觀預是選者人係以傳傳緯以

番

佳

序

事凡賢哲出處政治學術議論箸錄與夫山川疆域要害名勝風俗物產莫不博證旁見耆舊掌故略賅備焉匪直以詩而已其用意可不謂勤哉余嘗聞諸父老言郡自前明萬歷改流迄

國初其間避奢安張李難從他州來者類多傑人隱君子謳吟流聞間在人耳然無薈蕞家其遺佚者多矣迨入

國朝揉擻

雅化才俊踵興訖揚風雅皆彬彬乎質有其文顧風氣愿樸恥立標榜懷奇揆藻之士罕以縞紵遍於四方四

方論詩者亦遂視播爲僻壤而未嘗徵引及之自非子
尹網羅摛拾發揚光耀則曠歷年載什九零落後雖有
心者窮加搜索卽姓字且莫能舉奚有於名章秀句之
紛綸簡冊也哉嗟乎余以是嘉子尹之用意又以是偉
子尹之功爲尤鉅也至是編體例與去取本旨子尹自
詳之固無待於余言咸豐癸丑六月中澣遵義唐樹義
書於武昌行署

擗

牙

播雅引

余束髮來喜從人問郡中文獻得遺作輒錄之久乃粗分卷帙名曰遵義詩鈔弄篋衍有年矣屢欲整比鋟行之無資且不暇去秋在行省見前輩唐子方方伯方伯謂鄉里耆舊其行義文采已多無傳賴有此不宜更闕手刷費屬歸爲之窮冬多暇盡出前鈔重加去取復增新獲二三十家命兒子知同寫定計自明萬歷辛丑改流至今二百五十二年閒凡得二百二十人詩二千三十八首次爲二十四卷所登載不必盡工然纖佻惡俗則尠矣更曰播雅奉方伯訂正而刻之例皆仿元裕之

沈客子遺意或因詩存人或因人存詩或因一傳而附見數人或因一詩而附載他文按及他事要據前鈔略備一方掌故體非選詩必可準繩亦非徵詩必侈人數觀者諒諸一人之力耳目詎周創難爲功苛詈匪卹補遺糾謬是所望於後之賢咸豐癸丑三月初十日遵義鄭珍子尹引

序

鄭子尹學博選輯遵義一郡本朝二百年耆舊詩而略溯諸有明改流以來爲播雅二十四卷唐子方方伯資之刊成友芝爲覆校一過而序之曰於戲我

國家文治誕敷雖僻遠山郡而風雅鏗異若此邪然亦豈不賴乎萃之者邪遵義自漢轡爲犍牂著縣道眞尹公經術教授長通盛公詩賦先導遺蹟猶時時髣髴何隻士單語無聞者歷晉五代迄唐播珍溱等州縣猶見諸史而劉夢得謫播州柳子厚至謂非人所居願以柳州易使其將母劉柳又皆不果來李太白坐流珍夜郎

亦已半道放還及唐末楊氏據有其地閱八百餘年累代羈縻不畔而已雖宋自軾粲文价相繼好文興學養士以得冉氏璉璞兄弟文武才又請得歲貢士比腹裏州縣元漢英益急教化能詩文尙體要著桃溪內外集六十四卷而其後裔在明中葉乃至禁學愚民驕蹇不受節制以取覆滅往昔大編短述亦遂蕩無一存改流未久兵革相仍我

大清平定西南剷蘖桂誅逆璠民得休息乃申講教法增學解額大惠遠省於是邊郡人士行誼文章彬彬與中原爭雄長按以茲集著錄多至二百餘人詩二千餘

篇夫韃不狼降珍之山延鼈黜溫漢鱗之水其靈光清
氣非必增益於曩時也士生

右文承平之朝得涵濡汪濊爭磨淬以自見亦何幸歟
唯是南中風氣樸質其文士雅不以聲華標榜其後生
又不以耆舊張謝鄉者友芝嘗欲略取貴州自明以來
名能詩家之製爲一帙於遵義尤措意李卓菴先立羅

鹿遊

兆姓

李知山

專

李冀一

管

四先生最先得知山白

雲集於尹文學良稷爲其先世師知山沒後掇錄本中
間遺闕尙十餘年零章逸句時別拾諸他弄卓菴筆峰
詩文鈔數以訪其裔孫數枝梧不肯出可見才年譜郡

乘所及數十篇鹿遊詩得趙明經商齡持示一冊僅明日悔覆瓿北上問石等小集冀一伴鐸吟萃奇堂兩草近乃先後得之趙文學旭竝止數歲之筆聞鹿遊集之全在其後人者竟胠散於不解事人至今不能釋然夫諸老最著者而友芝蒐求已難如此而吾子尹二十餘年不遺餘力以成此編也可知矣昔胡道南譏世之選家坐取諸集錄其擅名及子孫方貴盛者爲冠冕單門逸響附載一二但略去取已哀然大集至問集中諸公風格高下詩學源流闢草萊主壇坫相芻蕘各幾人選者讀者皆茫然也若吾子尹之爲此編存人存詩一用

裕之中州法人不得詩牽連旁附淵源流別絲穿繩引
郡之山川風土疆里沿革舊城殘壘有所鉤核亦參他
例竝藉書之其蒐訂之勤別裁之審一展卷而曩昔若
存若亾之文獻爛然表暴於後人之耳目道南之譏庶
幾免夫而吾獨惜尹盛之後楊氏興文之時獨無一人
薈萃當時人物文字以爲茲集先河則使太白能來子
厚果易而復有造就亦將與桃溪內外同泯泯於頑酋
積燹中也後之覽者能勿鄭重於斯編

咸豐三年秋八月獨山莫友芝

摺

列